



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Habacvc Propheta**

**Habakuk**

**Argentorati, 1526**

**VD16 B 3952**

Væ tibi, qui proximo tuo infundis, & furorem tuu[m] submisces, & inebrias,  
ut uerenda eius uideantur.

**urn:nbn:de:hbz:466:1-35974**

ANNOTATIONES.

bat, eiusmodi potentem structurā igni desolari necesse  
eſſe. Quare oportuit hic ſpiritū eſſe, qui hēc doceret,  
et ad credendum iſiſ, hortaretur iudeos. Nam Babylo-  
nijs, si hēc audijſſent, ludibrio fuiſt, præcipue quom  
eiusmodi poena à domino exercituū i. à iudeorū Deo,  
quē ſpernebant, illi, uentura erat. quippe cuius popu-  
lum deſtruueret. Quemadmodū iudeis et Romanis lu-  
dibriū erat, ſe à crucifixō Deo, Christo, deſtructū iri,  
cuius tamē in dies trucidabani ſanctos. Hodieq; domi-  
nis noſtriſ riſus eſt, illū Deum aliquid poſſe facere, cu-  
ius uerbū prædicamus, quom quotidie perſequātur.

Replebitur enim terra cognitione  
gloriæ Domini, ut aquā mare cōtegit.

Hanc ſententiā ē Moſe, Prophetæ deſumpferunt,  
qui Exo. 9. de Pharaone ſic ait. Propterea excita uite,  
ut oſtendam fortitudinē meam in te, ut annuncietur no-  
men meu in uniuersa terra. Hoc eſt. Tu me ueluti iniuti-  
lem miſeri populi Dcūm, qui non late cantatus ſit con-  
temnis. Atqui et ego tibi quicquam oſtendam, ne con-  
temner adeo et uilis repute, ſed enim oēs gentes ca-  
nent ac loquentur de uiribus meis. Item Num. 14. Viuo,  
ego. Ois terra gloria mea replebitur. Id eſt, uos tentatis  
et dehonoris me. Ego uero exhibeo me uobis, ſicq;  
uos inuadā, ut mundus gloria mea repleteatur. hoc eſt, ut  
canar, dicar, prædiſer, honorer undiq; ubi audierint,  
quid fecerim uobis, quem adeo uos tentatis. Sic Iefaiā

H. 2 de Regno

de Regno Christi loquitur cap. ii. Plena est terra cognitione Domini, quemadmodum mare aqua plenum est. Vniuersus mundus Euangelion de Christo abundantiter audit, ac Deum ex eo cognoscit, qui loquendi modi familiares nobis faciendo sunt. Illud enim glorie plenum uocant, quando undique Deus cantatur, praedicatur, dicitur, Perinde ac si de Alexandro, uel Iulio Cæsare dicetur. Vniuersus mundus illos preduros viribus Heroes commendat, ac rerum eorum præclare gestarum præconia, undique gentium insonueret.

Hoc pacto regi Babylonis, Habacuc minatur, et tantum dicere in animo habet. Tu dominum exercituum Deum nostrum contemnis, quasi uix sit musca examinis erga uestrum Belum. quom tanta opera tua Deo tuo tribuas, Deum nostrum talia in nobis ferre optere ratus. At breui experieris, et à nostro floccipenso Deo magnifica et præclara in uos et Deum uestrum fieri posse. Nam ita tecum aget, ut uniuersus terrarum orbis, de eo canat et loquatur, te uniuersum Deo tuo rideat, Deum uero nostrum, in sublime cuehat et laudet undique gentium, quod tanta in te perficerit. Quod uel totum sic contigit, postquam enim Cores Persarum rex Babylonem deuastarat, aperte fatebatur a missis in omnibus regni sui fines literis, promulgari curabat, Quod Deus coelorum, qui Hierosolymis demaretur tantum sibi triumphum ac potestatem dedisset. Quare et pro gratiarum actione, templum Hierosolyma

ANNOTATIONES.

¶ osolymitanum, suis pecunij & expensis restaurari edicebat, ut Esra tradit. Atque hoc est, uti mare aquis repletum, sic terra plena erit gloria Domini exercitu= um-hoc est, talis erit gloriatio, quæ non exiccarti, cune culis ue surripi queat, sed mari aquis referto, similis erit, quod nemo exiccare, aut foſſa adimere potest, uel siphonibus. Eadem ratione gloria hæc de Deo atq; id= tantia, tam fortis erit apud omneis gentes, ut nemo si lentio obfuscare, aut impedire queat. Quæ omnia, ut memoratum est, ideo dicuntur & nunciantur, ut Iu= dæi animentur, & in fide retineantur.

Væ tibi, qui proximo tuo infundis,  
& furorem tuū submīces, & inebrias,  
ut uerenda eius uideantur.

Quarta hæc est derisoria Ode, de arrogantia & temeritate eius. Diuitiae addunt animū, ut uulgarū uer bum est, Vbi Tyranni fortiter confederint, opibus, ho nore firmis, uoluptatiq; deditis, ædibus abūdauerint, neq; sic tamen animo exaturati sunt, Ceterū arrogan tes ac temerarij fiunt, ad oēm, tum iniuriā, tum cupidi tatem excrcendam, qui nihil neq; perpeti, neq; audire possunt. Quod si res, pro animi sententia non suæſe= rint, mirum dictu quam ſeuiant ac trucident. Lega= tur Daniel cap. 3. de rege hoc Nebucad Nezar, ut au= ream statuam crexit, cogitq; homines ut adorarent eandem. Præterea cap. 2. Ut in ſomnij ſui, è ſapienci=

H 3 bus &

bus & diuinatoribus suis, interpretationem exegit, et  
qualisnam herbula fuerit experieris. Egregium sanè  
Tyrannum uidebis, qui uoluntatem suam, pro rege co-  
mitem uoluerit. Ad haec profundi intellectus ac prudentie  
hominis, qui noluit sapientiū suorum uerbis à consilio  
suo deuehi, nec naso circunduci uoluit. At brciuere sci-  
re cupiit in somnijs sui interpretationem à Coniectori-  
bus suis, qui, tametsi pollicebantur, nec tamen coniuge-  
re in somnijs mentem poterant. numirū technas, eorum  
artem, esse suspicabatur.

Hebraicæ loquendi rationis iterum nobis paranda  
est familiaritas, quæ calamistratæ orationis ac para-  
bolarum diues est. In primo capite supra audiuimus,  
ut Nebucad Nezar ingens bibulus culpatus sit, qui o-  
mneis terras ebibat. Quo loco potare tantum signifi-  
cat, quantum alijs sua rapere, spoliare, ad se trahere,  
ut & Christus de Pharisæis Matthæi.23. dit. Quod  
uiduarum ædes deuorent, sed & in Hiob idem uera-  
borum usus est. Hoc uero loci, huius que similibus bi-  
berc aut potare idem significat, quod aduersa pati. Et  
infundere, aut propinare, tantum, quantum punire,  
torquere, adfligere, ac nullis non plagiis adficere. Hinc  
psalterij commune uerbum profluit. Calix Domini,  
Item calix eoru, plenus sulphure. Sic Apocalypsis 19.  
de purpureo scorto relictum est scriptum. infundite  
ubertim ei, sicut & uobis infudit, & ut uobis mensa  
est, sic illi remetimini. Tum ergo calix Domini, pœ-  
na 110

ANNOTATIONES.

nauocatur, quam cuique infundit et partitur. De  
quare Ieremi. 25. uide, ubi omnes in uniuersitate  
sum mortales è calice Domini bibere  
iubet, ut incipientur, uomant,  
et cadant. &c.

Atq; ut clare penitus capiamus, paradigma consideremus. Si quisquam à uino dulciter inebriatur, is duplicit alterius ebrietatis exemplar et imago est. Altera est, si præ ingentibus quisquam delitijs repleatur. Altera ubi quis magno præ dolore inebriatur. Qualem ergo, corporeas se gerit ebrietas, tales et haec geminae sese gerunt. Temulentus gressu nutat, decidit, euomit, insana ac stulta loquitur, impudens &c. ut in dies cognoscimus. Hoc pacto, si cui nimia adsit prosperitas, ut facultate, honore, uoluptate, potentia exuberet, ille uere temulentus est, ignorat enim, quid præ animi sui libidine, ordiatur. Gressu inconstans est, turpiter cadit, nugatur, impudenter agit. hoc est, et si turpia ac nefanda perpetret, que illum non adeo formosum redundunt, sed potius detur pent, nihil tamen reputat, nullus illuc timor, nulla uorecundia, aut moderatio, à priori et posteriori partibus detectus est, id est, undiq; scelus et ignominia eius uidetur. attamen perfringit nihil curans, ut et nunc in nostris Tyrannis aperte uideamus. Sic Babylonius rex itidem ebrius erat, à mera lascivia et uoluptate, ut in superioribus narratum est. Magna hic prudentia præditus est, qui temulento adco

H 4 cedere

cedere potest, iuxta commune uerbum. Temulento, uel fœni plaustrum è uia cedere debet, cum fatuis enim nihil agendum est.

Rursum, qui præ dolore ebrius est, is item ebrius se in more gerit, quando girum facit, secum errat, clamat, ac talcum se præbet, ut nihil præterquam dedecus in eo uideatur. Quidam et in Deum et homines blasphemati sunt, per impacientiam prodeentes. Quicquid est opertum, recludunt, penes quos simpliciter stultitia, irrationalitasque est, uti ebrium docet. In hunc modum de rege Babylonio Habacuc loquitur, quod plerosque temeto ingurgita uerit, ubi ipse antea uoluptate plenus ac ebrius erat. Id est, audax, temerarius Tyrannus erat, qui multos conturbabat populos, præcipue uero, omni dempta miseratione, Iudaicum populum premebat, ut Iesaias. 47. in Babylonem ait. Quom exanciderem in populum meum, sordidabam hereditatem, tradens eam in manum tuam. Tu uero nulla in eum misericordia tangebaris. Dein et Zacharie. 1. Suavisco gentibus magnis, parum enim indignabar, ipsi uero ad mala iuuant. Ego populum meum castigare dunitaxat cogitabam, ipsae uero funditus è medio tollere moluntur. ac maiora, quam mihi ferendum sit, designant.

Atqui iudicia Dei cunctem pariter cursum tenent, ut qui priore modo ebrius fuerit, posteriore item totum perfundi necessarium sit, ut hic Propheta inquit, Regem omnium gentium bonis inebriatum, multosque alios moerore

## ANNOTATIONES.

mœrore ebrios reddidisse. Quapropter & ipsum rufus deridendum, & in omnibus pâssim terris cantandum & euulgandum, quomodo & ipse temulentus sit quemadmodum & Esaiæ. 14. de eo prædicatur. Et tu æque ac nos trucidatus es (inquiunt gentes). Id est, tu contriuiisti nos, Et terurus egredie contritum arbitror, saltem talia expectare possemus. Arduum nimis & creditu difficile est, ubi tyranni adhuc in thro= no sedent.

Id ergo est, Quod Habacuc hic dixit. Proximo tuo bene infudisti, ac ipsum inebriasti. Et quo nemo quisquam dubitet, de altera, nempe, mœroris ebrietate loqui Prophetam, scipsum explanat dum inquit. Et furore tuo potum diluis. Quo satis aperte demonstratur, gentibus eum calicem iræ suæ propinasse, hoc est, temeraria tyrannide summe conturbasse, ac ita dehonesta esse, ut uerenda earum conficiantur, hoc est, omnia honore spoliauit, ut pauperes & adflicti fierent, de quibus nihil præclari dici poterat: Quo simul ad histriam Genesis Prophetæ respicit. Vbi Noah temulætus, sic nudatus iacebat, ut uerenda eius conficeretur. Quod nō aliud significat, quā ignominosam crucē seu afflictionē & aduersitatem. Potiri enim rerū, res & honorē adipisci, magnificū corā mundo est. Substerni uero hosti, inopie & ignominiae obnoxium fieri, detestabile est. Quare hoc, uerenda nuda uidere, est, quando quis uincitur, perditur, ad inopiam cogitur, quemad-

H 5 modum

modum & hic tyrannus Nebucadnezar plerasq; gen  
tes dehonestarat, triumpho & gloria sibi reserudit.

Tuque pro gloria, ignominia satu  
raberis

Id est, rursum tibi poculum diluetur, & ebrius red  
deris, ut tua similiter uerenda oculis omnium pateant.  
Nam & tu uinceris, ut tua potentia ad nihilum, & de  
decus redigatur, tum & tu dedecore & ignominia sa  
turabre, honoris loco. Hoc est, loco magnificentie et  
glorie quibus nunc eximus es, meram habiturus es i  
gnominiam, ac nihil plane honoris, idq; totum, non si  
nc ingenti tripudio, de te canetur, sic tamen ut ridearis  
tu ludibrioq; habearis, id enim tibi nemo inuidet, quip  
pe, qui sis optime meritus.

Tu ergo nunc etiam bibe, ut gressu nutes. Ea scili  
cet ebriorum conditio est, ut gressu uacillent, neq; fige  
re pedem queant, & fortiter consistere. Sic qui moe  
rore & tristitia persusi sunt, ignorant, ubi manendum  
sit, uastusq; illos uniuersi orbis ambitus non potest ca  
pere ( adeo in arctum tum constrictus est ) totius iam  
consilij quam auxiliij expertes, Huiusmodi Regi quo  
que imprecatur, & nunciat, nempe uenturos esse Per  
sas & Medos, qui illi afflictionem cordis, & nihil non  
mali infusuri sint, ut bibat et gradu uacillet, ut nusquam  
consistere possit. Atque in hunc modum Psal 60. lo  
quitur. Ostendis populo tuo dura, potas nos iuno us  
cillante,